

২০১৯-২০২০ শিক্ষাবর্ষে একাদশ শ্রেণিতে ভর্তি নির্দেশিকা বাংলাদেশ আন্তঃ শিক্ষা বোর্ড সমন্বয় সাব-কমিটি

Website: www.xiclassadmission.gov.bd

ঢাকা, রাজশাহী, কুমিল্লা, যশোর, চট্টগ্রাম, বরিশাল, সিলেট, দিনাজপুর,
ময়মনসিংহ এবং মাদ্রাসা শিক্ষা বোর্ড

সাধারণ নির্দেশনা

- ▶ গণপ্রজাতন্ত্রী বাংলাদেশ সরকারের শিক্ষা মন্ত্রণালয় ও শিক্ষা বোর্ড কর্তৃক অনুমোদিত সকল কলেজ/মাদ্রাসা/কারিগরি শিক্ষা প্রতিষ্ঠানে একাদশ শ্রেণিতে ভর্তির জন্য ইন্টারনেট অথবা মোবাইল SMS এর মাধ্যমে আবেদন করা যাবে।
- ▶ ১২ মে হতে ২৩ মে, ২০১৯ তারিখের মধ্যে একাদশ শ্রেণিতে ভর্তির জন্য ইন্টারনেট অথবা মোবাইল SMS অথবা উভয় পদ্ধতিতে আবেদন করা যাবে।
- ▶ ভর্তি সংক্রান্ত সকল কার্যক্রমের সময়সূচি, ভর্তি নির্দেশিকা, আবেদনের নিয়মাবলী এবং ফলাফল নির্ধারিত ওয়েবসাইট www.xiclassadmission.gov.bd এবং স্ব বোর্ডের ওয়েবসাইট থেকেও জানা যাবে।
- ▶ এই ভর্তি নির্দেশিকার যে কোনো ধারা/নিয়মাবলীর সংশোধন, সংযোজন বা বাতিল করার অধিকার শিক্ষা মন্ত্রণালয় ও শিক্ষা বোর্ড কর্তৃপক্ষ সংরক্ষণ করে।
- ▶ ইন্টারনেটে সর্বোচ্চ ১০টি কলেজ/মাদ্রাসা শিক্ষা প্রতিষ্ঠানে আবেদনের জন্য ১৫০/- (একশত পঞ্চাশ টাকা) আবেদন ফি প্রযোজ্য হবে। SMS-এর মাধ্যমে আবেদনের ক্ষেত্রে প্রতি আবেদনের জন্য ১২০/- (একশত বিশ টাকা) আবেদন ফি প্রযোজ্য হবে। ইন্টারনেটের মাধ্যমে আবেদনের জন্য টেলিটক/বিকাশ/শিওরক্যাশ/গ্রামীণফোন-এর মাধ্যমে ১৫০/- টাকা প্রদান করতে হবে। SMS এ আবেদনের জন্য শুধুমাত্র টেলিটক মোবাইলের মাধ্যমে ১২০/- টাকা প্রদান করতে হবে।
- ▶ ইন্টারনেট এবং SMS উভয় পদ্ধতি মিলে সর্বোচ্চ ১০টি প্রতিষ্ঠানে আবেদন করা যাবে তবে- একই প্রতিষ্ঠানের একাধিক শিফট/ভার্সন/গ্রুপে আবেদন করা যাবে। তবে SMS-এ সর্বোচ্চ ৫টি আবেদন করা যাবে। উদাহরণস্বরূপঃ কোন আবেদনকারী SMS-এ মাধ্যমে ১ম বার ৫ (পাঁচ) টি কলেজ/সমমানের প্রতিষ্ঠানে আবেদন করেছে; পরবর্তীতে সে প্রয়োজনে ইন্টারনেটের মাধ্যমে আরও ৫(পাঁচ) টি কলেজ/শিক্ষা প্রতিষ্ঠানে আবেদন করতে পারবে।
- ▶ ইন্টারনেট/SMS আবেদনে শিক্ষার্থীর কোনো তথ্য অসত্য, ভুল বা অসম্পূর্ণ বলে প্রমাণিত হলে তার আবেদন/চূড়ান্ত ভর্তি বাতিল করার অধিকার শিক্ষা বোর্ড কর্তৃপক্ষ সংরক্ষণ করে।
- ▶ প্রথমবার আবেদনের সময় (ইন্টারনেট/SMS উভয় ক্ষেত্রেই প্রযোজ্য) শিক্ষার্থীকে একটি মোবাইল নম্বর দিতে হবে, যেটি শিক্ষার্থীর Contact Number হিসেবে বিবেচিত হবে। Contact Number টি শিক্ষার্থীর জন্য অতীব গুরুত্বপূর্ণ কেননা পরবর্তীতে শিক্ষার্থীর সকল যোগাযোগ ও আবেদনের জন্য কিংবা ইন্টারনেট এর মাধ্যমে আবেদন সংশোধনের জন্য এই Contact Number টির প্রয়োজন হবে।
- ▶ প্রয়োজনীয় অর্থ পরিশোধ করার সময় শিক্ষার্থী যে Contact মোবাইল নম্বর প্রদান করেছেন সেটি সাবধানে পূরণ করতে হবে। এটি অত্যন্ত গুরুত্বপূর্ণ। ভর্তি সম্পর্কিত সকল তথ্য এই নম্বরে পাঠানো হবে। এই নম্বরের বায়োমেট্রিক নিবন্ধন সম্পন্ন হওয়া অত্যাৱশ্যক। অভিভাবকের জাতীয় পরিচয়পত্র নম্বর প্রদান করতে হবে এবং তাঁর (যাঁর জাতীয় পরিচয়পত্র নম্বর প্রদান করছেন) সাথে শিক্ষার্থীর সম্পর্ক উল্লেখ করতে হবে। ভর্তির সময় পূরণকৃত জাতীয় পরিচয়পত্র নম্বর যাচাই করা হতে পারে এবং জাতীয় পরিচয়পত্র নম্বর (অভিভাবকের) পূরণ করা থাকলে ভর্তি প্রক্রিয়া সহজতর হবে।
- ▶ একাধিক শিক্ষার্থীর আবেদনে একই Contact Number ব্যবহার করা যাবে না অর্থাৎ ভিন্ন ভিন্ন শিক্ষার্থীর Contact Number ভিন্ন ভিন্ন হতে হবে। Contact Number টি পরিবর্তন করা যাবেনা, তাই এক্ষেত্রে যথেষ্ট সাবধানতা অবলম্বন করতে হবে যাতে এটি ভুল না হয়।
- ▶ শিক্ষার্থীদের আবেদনের (ইন্টারনেট/SMS) ক্ষেত্রে বিভিন্ন প্রতিষ্ঠানের Shift/Version/Group অনুযায়ী পছন্দক্রম প্রযোজ্য হবে। SMS-এর মাধ্যমে আবেদনের ক্ষেত্রে SMS-এর তথ্য ইন্টারনেট পোর্টালে পৌঁছানো সময়ক্রম অনুযায়ী পছন্দক্রম নির্ধারিত হবে। ইন্টারনেটে আবেদনের ক্ষেত্রে শিক্ষার্থী তার পছন্দক্রম সরাসরি ইনপুট দিতে পারবে (অর্থাৎ এন্ট্রি করতে পারবে)।
- ▶ ফলাফল প্রদানের পূর্বে নির্ধারিত সময়ের মধ্যে (১২ মে থেকে ৫ই জুন, ২০১৯) ইন্টারনেটের মাধ্যমে সর্বোচ্চ ৫(পাঁচ) বার কলেজের পছন্দক্রম ও কলেজ পরিবর্তন করা যাবে। তবে এই সুবিধার আওতায় SMS-এর মাধ্যমে কৃত আবেদনসমূহের ক্ষেত্রে শুধুমাত্র পছন্দক্রম

পরিবর্তন করা গেলেও, কলেজ পরিবর্তন করা যাবে না। শুধুমাত্র SMS-এর মাধ্যমে আবেদনকারীদের ক্ষেত্রে ইন্টারনেট পোর্টালে প্রবেশ করে তাদের SMS আবেদনক্রম দেখা ও পরিবর্তন করার সুযোগ থাকবে। SMS-এর মাধ্যমে কৃত আবেদনের পছন্দক্রম নির্বাচনে কারিগরি কারণে সমস্যা হতে পারে বিধায় উপরোক্ত সুবিধা ব্যবহার করার জন্য বিশেষভাবে বলা হবে। একবার প্রাথমিক নিশ্চায়নের পর আর কোন পরিবর্তন করা যাবে না।

- ৩ (তিন) টি পর্যায়ে ভর্তির ফলাফল প্রক্রিয়াকরণ করা হবে। একজন শিক্ষার্থীকে তার মেধা, কোটা ও পছন্দক্রমানুযায়ী একটি মাত্র কলেজের জন্য নির্বাচন করা হবে। নির্বাচিত শিক্ষার্থী নিজেই অন-লাইনে বোর্ডের রেজিস্ট্রেশন ও অন্যান্য ফি বাবদ ১৯৫/- টাকা জমা দিয়ে প্রাথমিক ভর্তি নিশ্চায়ন করবে এক জন শিক্ষার্থী সর্বোচ্চ ২(দুই) বার স্বয়ংক্রিয়ভাবে কৃত মাইগ্রেশনের জন্য বিবেচিত হবে। প্রযোজ্য ক্ষেত্রে, স্বয়ংক্রিয়ভাবে কৃত মাইগ্রেশন সর্বদাই শিক্ষার্থীর পছন্দক্রমানুসারে উপরের দিকে যাবে।

১। ভর্তির যোগ্যতা ও গ্রুপ নির্বাচন :

১.১ ২০১৭, ২০১৮ ও ২০১৯ সালে দেশের যে কোন শিক্ষা বোর্ড এবং বাংলাদেশ উন্মুক্ত বিশ্ববিদ্যালয়ের অধীনে ২০১৬, ২০১৭ ও ২০১৮ সালে এসএসসি বা সমমানের পরীক্ষায় উত্তীর্ণ শিক্ষার্থীগণ ২০১৯-২০২০ শিক্ষাবর্ষে সংশ্লিষ্ট নীতিমালার অন্যান্য বিধানাবলী পূরণ সাপেক্ষে কলেজ/সমমানের শিক্ষা প্রতিষ্ঠানে একাদশ শ্রেণিতে ভর্তির জন্য যোগ্য বিবেচিত হবে।

১.২ ভর্তির জন্য একজন প্রার্থী নিম্নরূপ-এ গ্রুপ নির্বাচন করতে পারবে, যথা:

- সাধারণ শিক্ষা বোর্ড হতে উত্তীর্ণ শিক্ষার্থীদের ভর্তির ক্ষেত্রে:
 - বিজ্ঞান গ্রুপ হতে উত্তীর্ণ শিক্ষার্থী বিজ্ঞান, মানবিক ও ব্যবসায় শিক্ষা গ্রুপের যে কোনো একটি;
 - মানবিক গ্রুপ হতে উত্তীর্ণ শিক্ষার্থী মানবিক ও ব্যবসায় শিক্ষা গ্রুপের যে কোনো একটি এবং
 - ব্যবসায় শিক্ষা গ্রুপ হতে উত্তীর্ণ শিক্ষার্থী ব্যবসায় শিক্ষা ও মানবিক গ্রুপের যে কোনো একটি।
- মাদ্রাসা বোর্ড হতে উত্তীর্ণ শিক্ষার্থীদের ভর্তির ক্ষেত্রে:
 - বিজ্ঞান গ্রুপ হতে উত্তীর্ণ শিক্ষার্থী সাধারণ শিক্ষা বোর্ডের বিজ্ঞান, মানবিক ও ব্যবসায় শিক্ষা এবং মাদ্রাসা শিক্ষা বোর্ডের বিজ্ঞান, সাধারণ গ্রুপ ও মুজাব্বিদ গ্রুপের যে কোনো একটি;
 - সাধারণ গ্রুপ হতে উত্তীর্ণ শিক্ষার্থী সাধারণ শিক্ষা বোর্ডের মানবিক ও ব্যবসায় শিক্ষা এবং মাদ্রাসা শিক্ষা বোর্ডের সাধারণ গ্রুপ ও মুজাব্বিদ গ্রুপের যে কোনো একটি;
 - মুজাব্বিদ গ্রুপ হতে উত্তীর্ণ শিক্ষার্থী সাধারণ শিক্ষা বোর্ডের মানবিক ও ব্যবসায় শিক্ষা এবং মাদ্রাসা শিক্ষা বোর্ডের সাধারণ গ্রুপ ও মুজাব্বিদ গ্রুপের যে কোনো একটি;
 - দাখিল (ভোক) গ্রুপ থেকে উত্তীর্ণ শিক্ষার্থীরা মাদ্রাসা শিক্ষা বোর্ডের সাধারণ গ্রুপ ও মুজাব্বিদ গ্রুপের যে কোন একটি।
- কারিগরি শিক্ষা বোর্ড হতে উত্তীর্ণ শিক্ষার্থীদের ভর্তির ক্ষেত্রে:
 - এসএসসি (ভোক)/দাখিল (ভোক) গ্রুপ হতে উত্তীর্ণ শিক্ষার্থী সাধারণ শিক্ষা বোর্ডের বিজ্ঞান, মানবিক ও ব্যবসায় শিক্ষা গ্রুপের যে কোনো একটি।
- উন্মুক্ত বিশ্ববিদ্যালয় হতে উত্তীর্ণ শিক্ষার্থীদের বয়সসীমা ২০১৯ এর ১লা জানুয়ারী অনূর্ধ্ব ২২ বছর হতে হবে, অর্থাৎ শিক্ষার্থীদের জন্ম তারিখ ১৯৯৭ এর ১লা জানুয়ারী বা তার পরে হতে হবে।
- যে কোন বিভাগ (বিজ্ঞান, মানবিক ও ব্যবসায় শিক্ষা) থেকে উত্তীর্ণ শিক্ষার্থী গার্হস্থ্য অর্থনীতি ও সংগীত গ্রুপ এর যে কোনো একটি।

২। ইন্টারনেট এ ভর্তির আবেদন দাখিলের জন্য করণীয়ঃ

ইন্টারনেট-এ আবেদন করার ক্ষেত্রে নিচে প্রদত্ত ধাপসমূহ ২.১-২.৪ অনুসরণ করতে হবে।

ধাপসমূহ	ইন্টারনেট আবেদনের জন্য করণীয়
২.১ আবেদনের ফি প্রদান পদ্ধতি	ইন্টারনেটে আবেদনের পূর্বে শিক্ষার্থীকে টেলিটক/বিকাশ/শিওরক্যাশ/গ্রামীণফোন এর মাধ্যমে নিম্নবর্ণিত (ক, খ এবং গ) ধাপসমূহ অনুসরণপূর্বক আবেদন ফি প্রদান করতে হবে। প্রার্থীকে তার এসএসসি/সমমানের পরীক্ষার বোর্ড, রোল নম্বর এবং পাসের সন ব্যবহার করে ১৫০/- (একশত পঞ্চাশ টাকা) ফি প্রদান করতে হবে। ক) টেলিটকের মাধ্যমে ফি প্রদান পদ্ধতিঃ ১. টেলিটকের প্রিপেইড মোবাইল ব্যবহার করতে হবে। মোবাইলের Message (Option)-এ গিয়ে নিম্নলিখিত নিয়মে আবেদন ফি প্রদান করতে হবেঃ CAD <space> WEB <space> Board <space> Roll <space> Year <space> লিখে

ধাপসমূহ	ইন্টারনেট আবেদনের জন্য করণীয়
	<p>16222 নম্বরে Send করতে হবে। উপরের Message-এ Board এর স্থলে শিক্ষার্থীর নিজের বোর্ডের প্রথম তিন অক্ষর/কোড (যেমন, ঢাকা বোর্ড হলে DHA; বাংলাদেশ উন্মুক্ত বিশ্ববিদ্যালয় হলে BOU, ইত্যাদি), Roll এর স্থলে শিক্ষার্থীর এসএসসি/সমমান পরীক্ষার Roll No, Year এর স্থলে এসএসসি/সমমান পরীক্ষার Passing Year দিতে হবে। উদাহরণ : SMS-এর মাধ্যমে ফি প্রদান CAD WEB DHA 104285 2019 ব্যাখ্যা : এখানে DHA-এসএসসি/সমমান পরীক্ষা পাসের বোর্ডের (Dhaka) নামের প্রথম তিন অক্ষর/কোড,104285-আবেদনকারীর এসএসসি/সমমান পরীক্ষার পাসের রোল নম্বর এবং 2019 এসএসসি/সমমান পরীক্ষা পাসের সন।</p> <p>২. উপরে বর্ণিত SMS টি সফলভাবে সম্পন্ন হলে আবেদনকারীর নাম, শিক্ষা বোর্ড, পাসের সন এবং রোল নম্বরসহ ফিরতি SMS-এ আবেদন ফি বাবদ ১৫০/- (একশত পঞ্চাশ টাকা) কেটে নেওয়া হবে এবং তা জানিয়ে একটি PIN কোড প্রদান করা হবে। ফি প্রদানে সম্মত থাকলে Message অপশন (Option) এ যেয়ে CAD <space> YES <space> PIN <space> Contact Number লিখে 16222 নম্বরে Send করতে হবে। Contact Number টি অবশ্যই বায়োমেট্রিক পদ্ধতিতে নিবন্ধনকৃত মোবাইল নম্বর হতে হবে। একটি মোবাইল নম্বর শুধুমাত্র একজন আবেদনকারী প্রার্থীর জন্য ব্যবহার করা যাবে। ফি সঠিকভাবে জমা হলে Contact Number টিতে অবশ্যই ফি নিশ্চিতকরণের একটি Transaction ID সহ SMS যাবে। উদাহরণঃ ফি নিশ্চিতকরণ CAD YES 1268234 01***** এখানে 1268234 - PIN এবং 01***** পূর্বে প্রদত্ত ১১ ডিজিটের Contact number।</p> <p>খ) শিওরক্যাশের মাধ্যমে ফি প্রদান পদ্ধতি: শিওরক্যাশ USSD এর মাধ্যমে ফি প্রদান করার নিয়মঃ</p> <p>ধাপ-১: শিওরক্যাশ এর মেনু পেতে *৪৯৫# ডায়াল করতে হবে। ধাপ-২: Payment-অপশন নির্বাচন করতে হবে। ধাপ-৩: Payee Account or Keyword: CAD লিখতে হবে। ধাপ-৪: Student ID <বোর্ড কোড> <পাসের সন> <রোল নম্বর>। ধাপ-৫: Contact Mobile Number লিখতে হবে। ধাপ-৬: Student এর নাম সহ Amount: Tk. 150 প্রদর্শিত হবে এবং মোবাইল একাউন্ট এর পিন নম্বর প্রদান করলে Payment সফল Message সহ Successful Message প্রদর্শিত হবে।</p> <p>শিওরক্যাশ অ্যাপ এর মাধ্যমে ফি প্রদান করার নিয়মঃ</p> <p>শিওরক্যাশ এর অ্যাপ ডাউনলোড করুন-</p> <p>ধাপ-১: শিওরক্যাশ অ্যাপ এ লগ ইন করে Payment অপশন সিলেক্ট করুন ধাপ-২: পরবর্তি ধাপে যেতে CAD লিখে Next অপশন সিলেক্ট করুন ধাপ-৩: Student ID লিখতে হবে: <বোর্ড কোড><পাসের সন><বোর্ডের রোল নম্বর> ধাপ-৪: স্টুডেন্টের মোবাইল নাম্বার লিখতে হবে (মোবাইল স্ক্রিনে Student এর নাম সহ Amount: Tk. 150 প্রদর্শিত হবে)</p>

ধাপসমূহ	ইন্টারনেট আবেদনের জন্য করণীয়
	<p>ধাপ-৫: পরবর্তী/Next বাটন সিলেক্ট করুন ধাপ-৬: পেমেন্ট নিশ্চিত করতে Confirmation বাটন সিলেক্ট করুন। Payment সফল হলে Txn ID সহ Successful Message প্রদর্শিত হবে।</p> <p>গ) বিকাশের মাধ্যমে ফি প্রদান পদ্ধতিঃ</p> <p>নীচের ধাপগুলো অনুসরণ করতে হবে:</p> <p>ধাপ-১: বিকাশ অ্যাপ মেন্যু থেকে পে বিল সিলেক্ট করুন। ধাপ-২: বিলার তালিকা থেকে 'XI Class Admission' সিলেক্ট করুন। ধাপ-৩: পেমেন্ট কোড দিন। এর পর কন্ট্যাক্ট নাম্বার দিন। পরের খাপে যেতে 'Arrow' বাটনটিতে ট্যাপ করুন। পেমেন্ট কোড-<বোর্ড কোড><পাসের সন><রোল নাম্বার> (কোন স্পেস হবে না)</p> <p>বোর্ড কোড এর তালিকাঃ</p> <p>Dhaka Board- DHA Comilla Board- COM Rajshahi Board- RAJ Jessore Board- JES Chittagong Board- CHI Barishal Board- BAR Sylhet Board- SYL Dinajpur Board- DIN Mymensingh Board- MYM Madrasha Board- MAD Bangladesh Open University- BOU</p> <p>পাসের সনঃ যে বছর এসএসসি পাশ করেছেন। রোল নাম্বারঃ এসএসসি এর রোল নাম্বার।</p> <p>উদাহরণঃ একজন ২০১৯ সালে এসএসসি উত্তীর্ণ শিক্ষার্থী ঢাকা বোর্ড থেকে যদি আবেদন করতে চানঃ</p> <p>পেমেন্ট কোডঃ DHA2019100000,</p> <p>যেখানেঃ বোর্ড কোড-DHA পাসের সন-2019 রোল নাম্বারঃ 100000</p> <p>ধাপ-৪: পেমেন্ট এর সার-সংক্ষেপ যাচাই করে পরবর্তী ধাপে যেতে 'Arrow' বাটনটিতে ট্যাপ করুন। ধাপ-৫: পরবর্তী ধাপে যেতে পিন নাম্বার দিন। ধাপ-৬: পে বিল সম্পন্ন করতে নিচের বাটনটি ট্যাপ করে ধরে রাখুন পে বিল সম্পন্ন হচ্ছে। একটু অপেক্ষা করুন ধাপ-৭: পেমেন্ট কনফার্মেশন এর সার-সংক্ষেপ দেখে নিন।</p> <p>ঘ) গ্রামীণফোনের মাধ্যমে ফি প্রদান পদ্ধতিঃ</p> <p>নীচের ধাপগুলো অনুসরণ করতে হবে:</p> <p>ধাপ-১: আবেদনকারী গ্রামীণফোন অনুমোদিত নিকটবর্তী বিলপে এজেন্ট পয়েন্ট এ আসবে। ধাপ-২: এজেন্ট তার মোবাইল থেকে *৭৭৭# ডায়াল করবে ধাপ-৩: USSD তালিকা থেকে 'Bill Pay' অপশনটি সিলেক্ট করবে ধাপ-৪: তালিকা থেকে 'Pay with details' অপশনটি সিলেক্ট করবে। ধাপ-৫: তালিকা থেকে 'Education' অপশনটি সিলেক্ট করবে। ধাপ-৬: তালিকা থেকে 'HSC College Admission' অপশনটি সিলেক্ট করবে। ধাপ-৭: তালিকা থেকে নির্ধারিত বোর্ড সিলেক্ট করবে। ধাপ-৮: তালিকা থেকে নির্ধারিত পাশের সাল সিলেক্ট করবে। ধাপ-৯: রোল নম্বর লিখতে হবে। ধাপ-১০: আবেদনকারীর কন্ট্যাক্ট মোবাইল নম্বর লিখতে হবে। ধাপ-১১: তথ্য যাচাই করে পিন প্রদান করে নিশ্চিত করতে হবে। ধাপ-১২: নিশ্চিতকরণের SMS এর জন্য অপেক্ষা করতে হবে। ধাপ-১৩: সর্বশেষে নিশ্চিতকরণ SMS চেক করার মাধ্যমে পদ্ধতিটি শেষ করতে হবে।</p>

ধাপসমূহ	ইন্টারনেট আবেদনের জন্য করণীয়
	<p>▪ বোর্ডের নামের প্রথম তিন অক্ষর/কোড: Dhaka Board-এর জন্য DHA, Comilla Board এর জন্য COM, Rajshahi Board-এর জন্য RAJ, Jessore Board-এর জন্য JES, Chittagong Board-এর জন্য CHI, Barishal Board-এর জন্য BAR, Sylhet Board-এর জন্য SYL, Dinajpur Board-এর জন্য DIN, Mymensingh Board এর জন্য MYM, Madrasha Board-এর জন্য MAD এবং Bangladesh Open University-এর জন্য BOU।</p> <p>এখানে উল্লেখ্য যে, ১২ মে হতে ২৩ মে, ২০১৯ রাত ১১:৫৯ মিঃ পর্যন্ত ইন্টারনেট-এ আবেদন করা যাবে।</p>
<p>২.২ ইন্টারনেটে আবেদন পদ্ধতি</p>	<p>(ক) নিম্নলিখিত নিয়মে আবেদন Submit করতে হবে।</p> <ol style="list-style-type: none"> ১. টেলিটক/বিকাশ/শিওরক্যাশ/গ্রামীণফোন এর আবেদন ফি ১৫০/- (একশত পঞ্চাশ টাকা) জমা দেয়ার পর আবেদনকারীকে নির্ধারিত website-এ (www.xiclassadmission.gov.bd) য়েয়ে “Apply Online” Button-এ ক্লিক করতে হবে; এরপর প্রদর্শিত তথ্য ছকে এসএসসি/সমমান পরীক্ষার রোল নম্বর, বোর্ড, পাসের সন ও রেজিস্ট্রেশন নম্বর সঠিকভাবে এন্ট্রি দিতে হবে। আবেদনকারীর দেয়া তথ্য সঠিক হলে তিনি তার ব্যক্তিগত তথ্য ও এসএসসি/সমমান পরীক্ষায় প্রাপ্ত GPA দেখতে পাবেন। ২. এরপর শিক্ষার্থীর Contact Number (ফি প্রদানের সময় প্রদত্ত মোবাইল নম্বর) এবং প্রযোজ্য ক্ষেত্রে কোটা (ধাপ ২.৩ অনুযায়ী) দিতে হবে। ৩. অতঃপর তাঁকে ভর্তিচ্ছু শিক্ষা প্রতিষ্ঠান, গ্রুপ, শিফট এবং ভার্সন Select করতে হবে। এভাবে শিক্ষার্থী সর্বোচ্চ ১০টি (ইন্টারনেট এবং SMS উভয় পদ্ধতি মিলে) সর্বমোট কলেজ/মাদরাসা Select করতে পারবে। এই ফরমে আবেদনকারী তাঁর সকল আবেদনের পছন্দক্রমও নির্ধারণ করতে পারবে। ৪. এরপর আবেদনকারী “Preview Application” Button-এ ক্লিক করলে তার আবেদনকৃত কলেজসমূহের তথ্য ও পছন্দক্রম দেখতে পারবেন। তবে এসএমএস ৫টির বেশী করতে পারবে না। ৫. Preview-এ দেখানো তথ্যসমূহ সঠিক থাকলে আবেদনকারী “Submit” Button-এ ক্লিক করবেন। ৬. আবেদনটি সফলভাবে Submit করা হলে আবেদনকারী তাঁর প্রদত্ত Contact Number-এর মোবাইলে একটি নিশ্চিতকরণ SMS পাবেন এবং যাতে একটি সিকিউরিটি কোড (Security Code) থাকবে। এই Security Code টি গোপনীয়তা ও সতর্কতার সাথে সংরক্ষণ করতে হবে, যা পরবর্তীতে আবেদন সংশোধন ও ভর্তি সংক্রান্ত কাজে ব্যবহার করতে হবে। ৭. আবেদনকারী চাইলে তাঁর আবেদনসমূহের তথ্যাদিসহ উক্ত ফরমটি Download করে প্রিন্ট (Print) নিতে পারবেন। <p>(খ) উপরের নির্দেশনা অনুযায়ী এসএসসি/সমমান পরীক্ষার রোল নম্বর, বোর্ড, পাসের সন ও রেজিস্ট্রেশন নম্বর সঠিকভাবে এন্ট্রি দেয়ার পরও শিক্ষার্থীর ব্যক্তিগত তথ্য ও এসএসসি পরীক্ষার GPA দেখতে না পেলে, তাঁকে আবেদন ফি ১৫০/- (একশত পঞ্চাশ টাকা) জমা দেয়ার Transaction ID টি এন্ট্রি দিতে হবে এবং ফি প্রদানের জন্য তিনি যেই অপারেটর (অর্থাৎ টেলিটক/বিকাশ/শিওরক্যাশ/গ্রামীণফোন) ব্যবহার করেছে তাকে Select করতে হবে। পরবর্তীতে ৩০ মিনিট পর ইন্টারনেটে আবেদন করার জন্য পূর্বে উল্লেখিত পদ্ধতিতে অনুসরণ করতে হবে।</p>
<p>২.৩ কোটা (প্রযোজ্য ক্ষেত্রে)</p>	<p>(ক) বিভিন্ন কোটায় ভর্তি হতে ইচ্ছুক শিক্ষার্থী তথ্য-ছকের নির্দিষ্ট স্থানে তাঁর জন্য প্রযোজ্য কোটা Select করবেন। কোটায় আবেদনের ক্ষেত্রে যথাযথ কর্তৃপক্ষের ইস্যুকৃত মূল সনদ পত্র থাকতে হবে এবং পরবর্তীতে কলেজ/মাদরাসা কর্তৃক যাচাইকরণ হবে বিধায় কোটার অপশন (Option) দেয়ার ক্ষেত্রে বিশেষ সতর্কতা অবলম্বন করতে হবে। একজন প্রার্থী একাধিক কোটার যোগ্য হলে- তিনি সেই অনুযায়ী একাধিক অপশন দিতে পারবেন। কোটাসমূহ হল- মুক্তিযোদ্ধার সন্তান/সন্তানের সন্তানদের জন্য কোটা (FQ), শিক্ষা মন্ত্রণালয়ের অধঃস্তন দপ্তরসমূহ এবং উচ্চ মাধ্যমিক শিক্ষা প্রতিষ্ঠানে কর্মরত শিক্ষক/কর্মকর্তা/কর্মচারী এবং স্ব স্ব প্রতিষ্ঠানের গভর্নিং বডি'র সদস্যদের সন্তানদের কোটা (EQ), বিশেষ কোটা (SQ) এবং প্রবাসীদের সন্তানদের (পিতা/মাতা বিদেশে কর্মরত) কোটা (PQ)। উল্লেখ্য যে, বিকেএসপি, বিভাগীয় ও জেলা কোটার ক্ষেত্রে শিক্ষার্থী স্বয়ংক্রিয়ভাবে বিবেচিত হবেন এবং এজন্যে শিক্ষার্থীকে কোন ইনপুট দিতে হবে না।</p>

ধাপসমূহ	ইন্টারনেট আবেদনের জন্য করণীয়
	(খ) যে সকল প্রতিষ্ঠানে বিশেষ কোটা (SQ) অনুমোদিত আছে- সে সকল প্রতিষ্ঠানের সাথে সংশ্লিষ্ট ব্যক্তিবর্গের সন্তানগণ এই বিশেষ কোটার জন্য আবেদন করতে পারবেন। উল্লেখ্য যে, বিশেষ কোটায় আবেদনকারী শিক্ষার্থীকে, আবেদন চলাকালীন সময়ের মধ্যে (২৩ মে ২০১৯) ঐ কোটার স্বপক্ষে প্রামাণ্য কাগজপত্র সংশ্লিষ্ট প্রতিষ্ঠানে দাখিল করতে হবে। এই সময়ের মধ্যে কলেজসমূহ ইন্টারনেটে বিশেষ কোটা আবেদনকারীদের আবেদন নিশ্চিত করবেন।
২.৪ পছন্দক্রম পরিবর্তন	একজন আবেদনকারী সর্বোচ্চ ৫(পাঁচ) বার ইন্টারনেটে ঢুকে কলেজের পছন্দক্রম এবং কলেজ পরিবর্তন করতে পারবে। তবে এই সুবিধার আওতায় SMS-এর মাধ্যমে করা আবেদনসমূহের ক্ষেত্রে শুধুমাত্র পছন্দক্রম পরিবর্তন করা গেলেও কলেজ পরিবর্তন করা যাবে না।

৩। SMS-এর মাধ্যমে আবেদনের জন্য করণীয়ঃ

SMS-এর মাধ্যমে আবেদনের জন্য নিচের ধাপ ৩.১ অনুসরণ করতে হবে।

৩.১ SMS-এর মাধ্যমে আবেদন	<p>শুধুমাত্র টেলিটকের মোবাইল সিম (প্রি-পেইড) ব্যবহার করে SMS-এর মাধ্যমে প্রার্থীরা আবেদন করতে পারবে।</p> <p>১. মোবাইলের মেসেজ অপশন (Message Option) এ গিয়ে নিচের পদ্ধতিতে SMS পাঠাতে হবে। কোটা প্রযোজ্য না হলে : CAD<space> ভর্তিচ্ছ কলেজের/মাদরাসার EIIN <space> ভর্তিচ্ছ গ্রুপের দুই অক্ষরের Code <space> এসএসসি/সমমান পরীক্ষা পাসের বোর্ডের নামের প্রথম তিন অক্ষর/কোড <space> এসএসসি/সমমান পরীক্ষা পাসের রোল নম্বর <space> এসএসসি/সমমান পরীক্ষা পাসের সন (চার অংকের সংখ্যা) <space> এসএসসি/সমমান পরীক্ষার রেজিস্ট্রেশন নম্বর <space> ভর্তিচ্ছ শিফটের এক অক্ষরের Code (শিফট না থাকলে N দিতে হবে) <space> ভর্তিচ্ছ ভার্শনের এক অক্ষরের Code লিখে 16222 নম্বরে Send করতে হবে।</p> <p>কোটা প্রযোজ্য হলে : CAD<space> ভর্তিচ্ছ কলেজের/মাদরাসার EIIN <space> ভর্তিচ্ছ গ্রুপের দুই অক্ষরের Code <space> এসএসসি/সমমান পরীক্ষা পাসের বোর্ডের নামের প্রথম তিন অক্ষর/কোড <space> এসএসসি/সমমান পরীক্ষা পাসের রোল নম্বর <space> এসএসসি/সমমান পরীক্ষা পাসের সন (চার অংকের সংখ্যা) <space> এসএসসি/সমমান পরীক্ষার রেজিস্ট্রেশন নম্বর <space> ভর্তিচ্ছ শিফটের এক অক্ষরের Code (শিফট না থাকলে N দিতে হবে) <space> ভর্তিচ্ছ ভার্শনের এক অক্ষরের Code <space> কোটার জন্য দুই অক্ষরের Code লিখে 16222 নম্বরে Send করতে হবে।</p> <p>কোনো আবেদনকারীর একাধিক কোটায় আবেদন করার যোগ্যতা থাকলে কমা (,) দিয়ে একাধিক কোটা উল্লেখ করতে হবে। যেমন - কোনো শিক্ষার্থী মুক্তিযোদ্ধার সন্তান/সন্তানের সন্তানদের জন্য কোটা এবং বিশেষ কোটা- এই দুই কোটাতেই আবেদনের যোগ্য হলে-তাকে কোটার জন্য FQ, SQ লিখতে হবে।</p> <p>২. উপরে বর্ণিত SMS টি সফলভাবে সম্পন্ন হলে - আবেদনকারীর নাম, কলেজ/মাদরাসার EIIN ও নাম, গ্রুপের নাম এবং শিফটসহ ফিরতি SMS এ ফি বাবদ ১২০/- (একশত বিশ টাকা মাত্র) কেটে নেয়া হবে তা জানিয়ে একটি PIN প্রদান করা হবে। এতে সম্মত থাকলে Message অপশনে গিয়ে CAD <space> YES <space> PIN <space> Contact number লিখে 16222 নম্বরে Send করতে হবে। Contact Number টি অবশ্যই বায়োমেট্রিক পদ্ধতিতে নিবন্ধনকৃত একটি মোবাইল নম্বর হতে হবে। একটি Contact Number শুধুমাত্র একজন আবেদনকারী প্রার্থীর জন্য ব্যবহার করা যাবে এবং সেই Contact Number টিই একজন প্রার্থীর সকল আবেদনের জন্য ব্যবহার করতে হবে।</p> <p>ফি সঠিকভাবে জমা হলে Contact Number এ ফি নিশ্চিতকরণের একটি Transaction ID সহ SMS যাবে।</p> <p>৩. আবেদনকারীর ১ম সফল SMS আবেদনের পর ইন্টারনেট আবেদন পোর্টালে পছন্দক্রম পরিবর্তনে</p>
--------------------------	---

	<p>সুযোগের জন্য একটি Security Code পাবেন। এই Security Code টি গোপনীয়তা ও সতর্কতার সাথে সংরক্ষণ করতে হবে, যা পরবর্তীতে আবেদন সংশোধন ও ভর্তি সংক্রান্ত কাজে ব্যবহার করতে হবে।</p> <p>▪ পছন্দক্রম নির্ধারণ ও পরিবর্তন: SMS-এর মাধ্যমে উপরে বর্ণিত পদ্ধতিতে একাধিক শিক্ষা প্রতিষ্ঠান/ গ্রুপে আবেদনের SMS পাঠানোর সময় অনুযায়ী পছন্দক্রম নির্ধারিত হবে। অর্থাৎ এক জন শিক্ষার্থীর সর্বপ্রথম পৌছানো SMS-এর মাধ্যমে আবেদন তাঁর প্রথম পছন্দ হিসাবে, দ্বিতীয় বার পৌছানো SMS-এর মাধ্যমে আবেদন তাঁর দ্বিতীয় পছন্দ হিসাবে বিবেচিত হবে। একই ভাবে পরবর্তী আবেদনগুলোর ক্রম নির্ধারিত হবে। ইন্টারনেট ও SMS উভয় পদ্ধতিতে আবেদনের ক্ষেত্রে, ইন্টারনেট পোর্টালে উভয় আবেদনের সময় অনুযায়ী আবেদনের পছন্দক্রম নির্ধারিত হবে। তবে SMS-এর মাধ্যমে আবেদনকৃত শিক্ষা প্রতিষ্ঠান ও গ্রুপের তথ্য ইন্টারনেটের আবেদনও প্রদর্শিত হবে। একজন আবেদনকারী ফলাফল প্রক্রিয়াকরণ এবং প্রাথমিক নিশ্চায়নের পূর্বে নির্ধারিত সময়ের মধ্যে সর্বোচ্চ ৫(পাঁচ) বার ইন্টারনেটে ঢুকে কলেজের পছন্দক্রম এবং কলেজ পরিবর্তন করতে পারবে। তবে এই সুবিধার আওতায় SMS-এর মাধ্যমে করা আবেদনসমূহের ক্ষেত্রে পছন্দক্রম পরিবর্তন করা গেলেও, কলেজ পরিবর্তন করা যাবে না। একবার প্রাথমিক নিশ্চায়নের পর এইরূপ আর কোনো পরিবর্তন করা যাবে না। শুধুমাত্র SMS-এ আবেদনকারীদের মধ্যে ৩.১.৩ এ প্রাপ্ত Security Code ব্যবহার করে ইন্টারনেটে আবেদন পোর্টালে ঢুকে পছন্দক্রম পরিবর্তন করতে পারবেন।</p> <p>▪ বোর্ডের নামের প্রথম তিন অক্ষর/কোড: Dhaka Board এর জন্য DHA, Comilla Board এর জন্য COM, Rajshahi Board এর জন্য RAJ, Jessore Board এর জন্য JES, Chittagong Board এর জন্য CHI, Barishal Board এর জন্য BAR, Sylhet Board এর জন্য SYL, Dinajpur Board এর জন্য DIN, Mymensingh Board এর জন্য MYM, Madrasha Board এর জন্য MAD এবং Bangladesh Open University এর জন্য BOU।</p> <p>▪ ভর্তিচ্ছুক গ্রুপের Code: ক) সাধারণ শিক্ষা বোর্ড : Science এর জন্য SC, Humanities এর জন্য HU, Business Studies এর জন্য BS, Home Science এর জন্য HS এবং Islamic Studies এর জন্য IS এবং Music এর জন্য MC লিখতে হবে। খ) মাদ্রাসা শিক্ষা বোর্ড : Science এর জন্য SC, General এর জন্য GE এবং Muzabbid এর জন্য MU লিখতে হবে।</p> <p>▪ শিফটের Code: Morning এর জন্য M, Day এর জন্য D, Evening এর জন্য E এবং আবেদনকৃত কলেজে/মাদ্রাসার যদি কোন শিফট না থাকে তবে শিফটের স্থানে N লিখতে হবে।</p> <p>▪ ভার্সনের Code: Bangla ভার্সনের জন্য B, English ভার্সনের জন্য E লিখতে হবে।</p> <p>▪ কোটার Code: মুক্তিযোদ্ধার সন্তান/সন্তানের কোটার জন্য FQ, শিক্ষা মন্ত্রণালয়-এর অধ:স্থান দপ্তরসমূহ এবং উচ্চ মাধ্যমিক পর্যায়ে প্রতিষ্ঠানে কর্মরত কর্মকর্তা/কর্মচারী এবং স্ব স্ব প্রতিষ্ঠানের গভর্নিং বডির সদস্যদের সন্তানদের কোটার জন্য EQ, বিশেষ কোটার জন্য SQ এবং প্রবাসীদের সন্তানদের (পিতা/মাতা বিদেশে কর্মরত) কোটার জন্য PQ লিখতে হবে। উল্লেখ্য যে, বিকেএসপি, বিভাগীয় ও জেলা কোটার ক্ষেত্রে শিক্ষার্থীর স্বয়ংক্রিয়ভাবে বিবেচিত হবেন এবং এ জন্য শিক্ষার্থীকে কোন ইনপুট দিতে হবে না।</p> <p>▪ উন্মুক্ত বিশ্ববিদ্যালয়ের শিক্ষার্থীদের ক্ষেত্রে: উন্মুক্ত বিশ্ববিদ্যালয় থেকে পাসকৃত আবেদনকারীদের ক্ষেত্রে রোল নম্বর এবং রেজিস্ট্রেশন নম্বর একই বলে বিবেচিত হবে। এ ক্ষেত্রে রোল নম্বরে অন্তর্ভুক্ত '-' চিহ্নটি উপেক্ষা করতে হবে। এখানে উল্লেখ্য যে, • ২৩ মে ২০১৯ তারিখ রাত ১১:৫৯ মিঃ পর্যন্ত আবেদন করা যাবে।</p>
--	--

	<p>SMS-এর মাধ্যমে একজন আবেদনকারী একাধিক প্রতিষ্ঠানে (অনধিক-১০টি)/একই প্রতিষ্ঠানের একাধিক গ্রুপ অথবা একাধিক শিফটে আলাদাভাবে আবেদন করতে পারবে। তবে প্রতি ক্ষেত্রেই ফি বাবদ ১২০/- (একশত বিশ টাকা) প্রদান করতে হবে। তবে সর্বোচ্চ ৫টি আবেদন SMS-এর মাধ্যমে করা যাবে।</p> <ul style="list-style-type: none"> • একজন প্রার্থী ইন্টারনেট ও SMS উভয় পদ্ধতি মিলে সর্বোচ্চ ১০টি কলেজে আবেদন করতে পারবে। • একই Contact mobile number ব্যবহার করে একাধিক শিক্ষার্থী আবেদন করতে পারবে না। একই শিক্ষার্থীর একাধিক আবেদনে একই Contact mobile number ব্যবহার করতে হবে।
--	--

৪। আবেদন যাচাই-বাছাই ও আপত্তি নিষ্পত্তিকরণঃ

ভর্তির জন্য আবেদনের ক্ষেত্রে কোনো ভুল তথ্য দেয়া হয়ে থাকলে বা ভুয়া আবেদন করা হয়ে থাকলে ২৬-০৫-২০১৯ তারিখের মধ্যে শিক্ষা বোর্ডকে অবহিত করলে কর্তৃপক্ষ নিম্নোক্ত ব্যবস্থা গ্রহণ করবে:

- আপত্তি নিষ্পত্তিকরণ সাপেক্ষে আবেদন সংশোধন।
- ভুয়া (Fake) আবেদন বাতিল/সংশোধন।

৫। পুনঃনিরীক্ষণের জন্য আবেদনকারীদের প্রতি নির্দেশনাঃ

যে সমস্ত শিক্ষার্থী পুনঃনিরীক্ষণের জন্য আবেদন করেছেন, তাদেরকেও ১২ মে থেকে ২৩ মে ২০১৯ তারিখের মধ্যে সংশ্লিষ্ট প্রতিষ্ঠানের চাহিদাকৃত ন্যূনতম GPA ও অন্যান্য শর্তপূরণ সাপেক্ষে অবশ্যই ভর্তির জন্য আবেদন করতে হবে। কোন শিক্ষার্থীর ফল পরিবর্তিত হওয়ার কারণে, পূর্বে আবেদনকৃত প্রতিষ্ঠান ছাড়া অন্য কোন প্রতিষ্ঠানে আবেদনের ন্যূনতম GPA এর শর্তপূরণ হলে- এ সকল নতুন শিক্ষা প্রতিষ্ঠানে ০৩ জুন ২০১৯ থেকে ০৪ জুন ২০১৯ তারিখ রাত ১১:৫৯ মিঃ পর্যন্ত আবেদন করতে পারবে, পূর্বের পছন্দের কলেজ বাতিল করতে পারবে এবং পছন্দক্রমও পরিবর্তন করতে পারবে। তবে এই সুবিধার আওতায় SMS-এর মাধ্যমে করা আবেদনসমূহের ক্ষেত্রে পছন্দক্রম পরিবর্তন করা গেলেও, কলেজ পরিবর্তন করা যাবে না।

৬। মেধামান নির্ধারণঃ

৬.১ একাদশ শ্রেণিতে ভর্তির নীতিমালা-২০১৯ অনুসরণপূর্বক ভর্তির ফলাফল প্রক্রিয়াকরণ ও মেধামান নির্ণয় করা হবে। আবেদনকারীদের বিভিন্ন কলেজ/মাদ্রাসা/সমমানের প্রতিষ্ঠানে আবেদন ঐ প্রতিষ্ঠানের নির্দিষ্ট গ্রুপ/শিফট/ভার্সন, আসন সংখ্যা, পছন্দক্রম এর ভিত্তিতে এবং নিম্নবর্ণিত (ধারা-৬.২) নিয়মানুযায়ী মেধামান নির্ধারণপূর্বক একজন আবেদনকারী শিক্ষার্থীকে শুধুমাত্র একটি শিক্ষাপ্রতিষ্ঠানে নির্বাচিত করা হবে।

৬.২ (ক) এসএসসি/সমমান পরীক্ষায় প্রাপ্ত জিপিএ-র ভিত্তিতে শিক্ষার্থীদের মেধাক্রম নির্ধারণ করা হবে।

(খ) সমান জিপিএ প্রাপ্তদের ক্ষেত্রে সর্বমোট প্রাপ্ত নম্বরের ভিত্তিতে মেধাক্রম নির্ধারণ করা হবে। বাংলাদেশ মাদ্রাসা শিক্ষা বোর্ড, কারিগরি শিক্ষা বোর্ড ও বাংলাদেশ উন্মুক্ত বিশ্ববিদ্যালয় এর ক্ষেত্রে প্রাপ্ত নম্বর সমতুল্য করে হিসাব করা হবে। তাছাড়া বিভিন্ন সালের গ্রেড পয়েন্ট ও প্রাপ্ত নম্বর সমতুল্য করে হিসাব করতে হবে।

(গ) বিজ্ঞান গ্রুপে ভর্তির ক্ষেত্রে সমান মোট নম্বর প্রাপ্তদের মেধাক্রম নির্ধারণের জন্য পর্যায়ক্রমে সাধারণ গণিত ও উচ্চতর গণিত/জীববিজ্ঞানে প্রাপ্ত নম্বর বিবেচনায় আনা হবে।

(ঘ) বিজ্ঞান গ্রুপে ভর্তির ক্ষেত্রে উপরের ক, খ এবং গ -এর বিধান সত্ত্বেও যদি প্রার্থী বাছাইকল্পে উদ্ভূত জটিলতা নিরসন না হয়, তবে পর্যায়ক্রমে ইংরেজি, পদার্থ বিজ্ঞান ও রসায়নে প্রাপ্ত নম্বর বিবেচনায় আনা হবে।

(ঙ) মানবিক ও ব্যবসায় শিক্ষা গ্রুপের ক্ষেত্রে সমান মোট নম্বর প্রাপ্তদের মেধাক্রম নিষ্পত্তির লক্ষ্যে পর্যায়ক্রমে ইংরেজি, গণিত ও বাংলা বিষয়ে প্রাপ্ত নম্বর বিবেচনায় আনা হবে।

(চ) এক গ্রুপের প্রার্থী অন্য গ্রুপে ভর্তির ক্ষেত্রে জিপিএ একই হলে সর্বমোট প্রাপ্ত নম্বরের ভিত্তিতে মেধাক্রম নির্ধারণ করা হবে। এ ক্ষেত্রে প্রার্থী বাছাইকল্পে উদ্ভূত জটিলতা নিরসন না হলে পর্যায়ক্রমে ইংরেজি, গণিত ও বাংলা বিষয়ে প্রাপ্ত নম্বর বিবেচনায় আনা হবে।

৭। ভর্তির ফলাফল প্রক্রিয়াকরণ, প্রকাশ এবং মাইগ্রেশন :

মোট ৩ (তিন) টি পর্যায়ে ফলাফল প্রক্রিয়াকরণ করা হবে। প্রাথমিক নিশ্চায়ন সাপেক্ষে সর্বোচ্চ ২(দুই) বার স্বয়ংক্রিয়ভাবে মাইগ্রেশন প্রক্রিয়া চালনা করা হবে অর্থাৎ প্রাথমিক নিশ্চায়নের পরও সর্বোচ্চ ২(দুই) বার একজন শিক্ষার্থীর কলেজ নির্বাচন পরিবর্তন হতে পারে। প্রতি পর্যায়ে পছন্দক্রমানুযায়ী অটোমাইগ্রেশন হবে এবং মাইগ্রেশন সর্বদাই পছন্দক্রমানুসারে উপরের দিকে যাবে।

- একজন শিক্ষার্থী তার আবেদনের সময় দেয়া কলেজ পছন্দক্রম ও এসএসসি/সমমান পরীক্ষার ফলাফল, কোটা ইত্যাদির ভিত্তিতে শুধুমাত্র ১টি কলেজেই সিলেকশন পাবে।
- নির্বাচিত শিক্ষার্থী নিজেই অনলাইনে বোর্ডের রেজিস্ট্রেশন ও অন্যান্য ফি বাবদ ১৯৫/- টাকা জমা দিয়ে প্রাথমিক ভর্তি নিশ্চায়ন করবেন। উল্লেখ্য যে, প্রত্যেক নির্বাচিত শিক্ষার্থীকে অবশ্যই ১৯৫/- টাকা জমা দিয়ে ভর্তি নিশ্চায়ন করতে হবে। অন্যথায় শিক্ষার্থীর মনোনয়ন ও আবেদন বাতিল হবে। এমন শিক্ষার্থী ইচ্ছা করলে পরবর্তী পর্যায়ের জন্য আবেদন ফি জমা দিয়ে নতুন আবেদন করতে পারবে।
- যে সকল শিক্ষার্থী আবেদনকৃত কোন কলেজেই সিলেকশন পাবে না তারা পুনরায় আবেদন ফি ব্যতীত এবং যারা ইতিপূর্বে কোন কলেজেই আবেদন করে নাই তারা আবেদন ফি জমা সাপেক্ষে আবেদন করতে পারবে।
- ফলাফল প্রক্রিয়াকরণের পর নির্দিষ্ট তারিখে শিক্ষার্থীদের SMS-এর মাধ্যমে ফলাফল জানানো হবে এবং একই সাথে SMS-এ একটি গোপনীয় Security Code প্রদান করা হবে। এই Security Code টি চূড়ান্ত ভর্তি নিশ্চায়নের জন্য সংরক্ষণ করতে হবে। তাছাড়াও শিক্ষার্থীরা ভর্তির ওয়েবসাইট www.xiclassadmission.gov.bd থেকে ভর্তির বিস্তারিত ফলাফল জানতে পারবে।

৮। কলেজে ভর্তিঃ

নির্ধারিত তারিখে নির্বাচিত শিক্ষার্থীদের তালিকা ভর্তি ওয়েবসাইট www.xiclassadmission.gov.bd দেয়া হবে এবং সংশ্লিষ্ট কলেজ কর্তৃপক্ষ ডাউনলোড করে তা নোটিশ বোর্ডে প্রদর্শন করবেন। অতঃপর ভর্তির জন্য নির্ধারিত তারিখে শিক্ষার্থী কলেজে উপস্থিত হয়ে প্রয়োজনীয় কাগজপত্র ও অনুমোদিত ফি জমা দিয়ে ভর্তি হবে এবং কলেজ শিক্ষার্থীর Security Code ব্যবহার করে ভর্তির চূড়ান্ত নিশ্চায়ন করবে।

৯। আবেদন, ফল প্রকাশ, ভর্তি ও ক্লাস শুরু সময়সূচি :

২০১৯-২০২০ শিক্ষাবর্ষে ভর্তির জন্য নিম্নোক্ত সময়সূচি অনুসরণ করতে হবে:

ক্রমিক নং	বিষয়	তারিখ
৯.১	ভর্তির অন-লাইন ও SMS আবেদন গ্রহণ (যারা পুনঃ নিরীক্ষণের আবেদন করবে তাদের এই সময়ের মধ্যে আবেদন করতে হবে)	১২/০৫/২০১৯ থেকে ২৩/০৫/২০১৯
৯.২	আবেদন যাচাই, বাছাই ও আপত্তি নিষ্পত্তি	২৪/০৫/২০১৯ থেকে ২৬/০৫/২০১৯
৯.৩	শুধুমাত্র পুনঃনিরীক্ষণে ফলাফল পরিবর্তিত শিক্ষার্থীদের আবেদন গ্রহণ	০৩/০৬/২০১৯ থেকে ০৪/০৬/২০১৯
৯.৪	পছন্দক্রম পরিবর্তনের সময়	আবেদনের তারিখ থেকে ০৫/০৬/২০১৯
৯.৫	১ম পর্যায়ে নির্বাচিত শিক্ষার্থীদের ফল প্রকাশ	১০/০৬/২০১৯
৯.৬	শিক্ষার্থীর Selection নিশ্চায়ন (শিক্ষার্থী নিশ্চায়ন না করলে ১ম পর্যায়ের Selection এবং আবেদন বাতিল হবে)	১১/০৬/২০১৯ থেকে ১৮/০৬/২০১৯
৯.৭	২য় পর্যায়ের আবেদন গ্রহণ	১৯/০৬/২০১৯ থেকে ২০/০৬/২০১৯ (রাত ৮ঃ০০ পর্যন্ত)
৯.৮	পছন্দক্রম অনুযায়ী ১ম মাইগ্রেশনের ফল প্রকাশ	২১/০৬/২০১৯ (রাত ৮ঃ০০ টায়)
৯.৯	২য় পর্যায়ের আবেদনের ফল প্রকাশ	২১/০৬/২০১৯ (রাত ৮ঃ০০ টার পর)
৯.১০	২য় পর্যায়ের শিক্ষার্থীর Selection নিশ্চায়ন (শিক্ষার্থী নিশ্চায়ন না করলে ২য় পর্যায়ের Selection এবং আবেদন বাতিল হবে)	২২/০৬/২০১৯ থেকে ২৩/০৬/২০১৯
৯.১১	৩য় পর্যায়ের আবেদন গ্রহণ	২৪/০৬/২০১৯ (রাত ৮ঃ০০ টায়)
৯.১২	পছন্দক্রম অনুযায়ী ২য় মাইগ্রেশনের ফল প্রকাশ	২৫/০৬/২০১৯ (রাত ৮ঃ০০ টার পর)
৯.১৩	৩য় পর্যায়ের আবেদনের ফল প্রকাশ	২৫/০৬/২০১৯ (রাত ৮ঃ০০ টার পর)

ক্রমিক নং	বিষয়	তারিখ
৯.১৪	৩য় পর্যায়ের শিক্ষার্থীর Selection নিশ্চায়ন (শিক্ষার্থী নিশ্চায়ন না করলে ৩য় পর্যায়ের Selection এবং আবেদন বাতিল হবে)	২৬/০৬/২০১৯
৯.১৫	ভর্তি	২৭/০৬/২০১৯ থেকে ৩০/০৬/২০১৯
৯.১৬	ক্লাস শুরু	১লা জুলাই, ২০১৯

(প্রফেসর মুঃ জিয়াউল হক)
 সভাপতি
 আন্তঃ শিক্ষা বোর্ড সমন্বয় সাব-কমিটি
 ও
 চেয়ারম্যান
 মাধ্যমিক ও উচ্চমাধ্যমিক শিক্ষা বোর্ড, ঢাকা।